

## **К ОПУБЛИКОВАНИЮ**

### **КОМИ РЕСПУБЛИКАСА ВЕСЬКӦДЛАН КОТЫРЛӦН ШУӦМ**

#### **«Коми Республика мутасын оланін бӧрся дінмуын канму контроль (дӧзьӧр) йылысь положение вынсьӧдӧм йылысь» Коми Республикаса Веськӧдлан котырлӧн 2021 во кӧч тӧлысь 28 лунся 463 №-а шуӧмӧ вежсьӧмъяс пыртӧм йылысь**

«Оланін бӧрся дінмуын канму контроль (дӧзьӧр) котыртӧм да збыльмӧдӧм дорӧ ӧтувъя корӧмъяс вынсьӧдӧм йылысь» Россия Федерацияса Веськӧдлан котырлӧн 2021 во кӧч тӧлысь 30 лунся 1670 №-а шуӧм серти Коми Республикаса Веськӧдлан котыр шуис:

1. Пыртны «Коми Республика мутасын оланін бӧрся дінмуын канму контроль (дӧзьӧр) йылысь положение вынсьӧдӧм йылысь» Коми Республикаса Веськӧдлан котырлӧн 2021 во кӧч тӧлысь 28 лунся 463 №-а шуӧмӧ вежсьӧмъяс содтӧд серти.

2. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса Веськӧдлан котырӧн  
Юрнуӧдысьӧс вежысь –  
Коми Республикаса экономика сӧвмӧдан  
да промышленность министр

Э. Ахмеева

Сыктывкар  
2022 вося рака тӧлысь 28 лун  
146 №

Коми Республикаса Веськӧдлан котырлӧн  
2022 во рака тӧлысь 28 лунся 146 №-а шуӧм дорӧ  
СОДТӦД

«Коми Республика мутасын оланін бӧрся дінмуын канму контроль (дӧзьӧр)  
йылысь положение вынсьӧдӧм йылысь» Коми Республикаса Веськӧдлан  
котырлӧн 2021 во кӧч тӧлысь 28 лунся 463 №-а шуӧмӧ пыртӧм  
**ВЕЖСЬӦМЪЯС**

«Коми Республика мутасын оланін бӧрся дінмуын канму контроль  
(дӧзьӧр) йылысь положение вынсьӧдӧм йылысь» Коми Республикаса  
Веськӧдлан котырлӧн 2021 во кӧч тӧлысь 28 лунся 463 №-а шуӧмын:

Коми Республика мутасын оланін бӧрся дінмуын канму контроль  
(дӧзьӧр) йылысь положениен, мый вынсьӧдӧма шуӧмӧн (1 №-а содтӧд),  
(водзӧ – Положение):

1) 4 да 5 пунктъяс гижны тадзи:

«4. Оланін бӧрся дӧзьӧр улӧ веськалӧм объектъясӧн лоӧны  
юридическӧй кывкутысьяслӧн, асшӧр уджалысьяслӧн да гражданалӧн удж,  
вӧчӧмторъяс (вӧчтӧмтор), кутшӧмъяс серти колӧ кутчысьны быть колана  
корӧмъясӧ, кутшӧмъясӧс урчитӧма Россия Федерацияса оланін  
оланпастэчасӧн, оланін фонд серти энергия видзтӧм йылысь да  
энергетическӧй окталун кыпӧдӧм йылысь Россия Федерацияса  
оланпастэчасӧн, муниципальной оланін фонд кындзи (водзӧ лӧсялӧмӧн –  
контроль (дӧзьӧр) улӧ веськалӧм объект, контроль улӧ веськалӧм йӧз), сы  
лыдын:

оланін кыин кутысьяслӧн товариществояслӧн;

оланін да оланін стрӧитан кооперативъяслӧн;

ресурсъясӧн могмӧдысь организацияяслӧн;

чорыд коммунальнӧй шыбласъясӧн вӧдитчӧм серти дінму  
операторъяслӧн;

юридическӧй кывкутысьяслӧн, асшӧр уджалысьяслӧн, кодъяс сетӧны  
услугаяс да (либӧ) вӧчӧны уджъяс уна патераа керкаясын ӧтувъя эмбур  
кутӧм да дзоньталӧм серти;

организацияяслӧн, кодъяс збыльмӧдӧны керкапытшса да (либӧ)  
патерапытшса биару оборудование техническӧя могмӧдӧм да дзоньталӧм  
серти удж;

организацияяслӧн, кодъяслӧн уджаланторйӧн лоӧ уна патераа  
керкаясын лифтъяс уджӧдӧм серти удж збыльмӧдӧн ӧти либӧ некымын  
сикас удж вӧчӧм, сы лыдын найӧс могмӧдӧм да дзоньталӧм.

Контроль (дӧзьӧр) улӧ веськалӧм объектӧн оз ло котырган-инӧда  
форма вылӧ видзӧдтӧг юридическӧй кывкутысьяслӧн либӧ асшӧр  
уджалысьяслӧн удж, вӧчӧмторъяс (вӧчтӧмтор), кодъяс збыльмӧдӧны  
лицензия подув вылын уна патераа керкаясӧн веськӧдлӧм серти  
предпринимательскӧй удж.

Контроль (дөзбөр) улө веськалөм объектъяс серти учётсө нуөдөны оланін да коммунальнөй овмөс серти канму юөртан системаөн (водзө – оланін да коммунальнөй овмөс система) вөдитчөмөн контроль (дөзбөр) улө веськалөм объектъяс йылысь юөрсө, кутшөмөс йөзөдөны оланін да коммунальнөй овмөс системаын «Оланін да коммунальнөй овмөс серти канму юөртан система йылысь» Федеральнөй оланпаслөн 7 статьяөн урчитөм корөмъяс серти, юөрсө, мый босьтөны ведомствокогса юөрөн йитчөм серти, ставлы вөдитчыны позяна юөрсө, а сідзжө юөрсө, кутшөмөс босьтөны профилактика мероприятияяс да контроль (дөзбөр) мероприятияяс нуөдан кывкөртөдъяс серти, чукөртөмөн, обработайтөмөн, анализируютөмөн да учёт вылө босьтөмөн.

5. Оланін бөрся дөзбөр улө веськаланторйөн лоө контроль улө веськалөм мортөн быть колана корөмъясө кутчысьөм (водзө – быть колана корөмъяс):

а) оланін фондөн вөдитчөм да сійөс видзөм дорө корөмъясө, сы лыдын олан жыръяс, наөн вөдитчөм да найөс кутөм, уна патераа керкаясын жыръяс кийн кутысьяслөн өтувьяс эмбурөн вөдитчөм да сійөс кутөм, уна патераа керкаын олан жырсө овтөм жырйө да овтөм жырсө оланаө вуджөдан пөрадок, уна патераа керкаын жыръясын планировка вежан да (либө) найөс выль ног лөсьөдан пөрадок дорө корөмъясө;

б) капиталнөя дзоньталан фондъяс лөсьөдөм дорө корөмъясө;

в) юридическөй кывкутысьясөс, ашшөр уджалысьясөс, кодъяс веськөдлөны уна патераа керкаясөн, кодъяс сетөны услугаяс да (либө) вөчөны уджъяс уна патераа керкаясын өтувьяс эмбур кутөм да дзоньталөм серти, котыртөм да налөн удж дорө корөмъясө;

г) уна патераа керкаясын жыръяс да олан керкаяс кийн кутысьяслы да наөн вөдитчысьяслы коммунальнөй услугаяс сетөм дорө корөмъясө;

д) олан жыр кутөмысь мынтысян ыджда вежан правилөясө сэк, кор уна патераа керкаясын өтувьяс эмбурөн веськөдлөм, сійөс кутөм да дзоньталөм серти услугаяс сетөма да уджъяссө вөчөма абу колана ногөн да (либө) коставлөмъясөн, кутшөмъяс вевтыртөны урчитөм кузьтасө;

е) уна патераа керкаын өтувьяс эмбур кутан правилөясө да олан жыр кутөмысь мынтысян ыджда вежан правилөясө;

ж) уна патераа керкаясын жыръяс да олан керкаяс кийн кутысьяслы да наөн вөдитчысьяслы коммунальнөй услугаяс сетан, найөс сетны дугөдлан да сетөмсө дзескөдан правилөясө;

з) энергетическөй окталун серти да вөдитчан энергетическөй ресурсъяс серти учёт нуөдан приборъясөн уна патераа керкаясын жыръяс да олан керкаяс могмөдөм серти корөмъясө;

и) ресурсъясөн могмөдысь организациясөн, уна патераа керкаясөн веськөдлөм серти удж збыльмөдысь йөзөн оланін да коммунальнөй овмөс серти канму юөртан системаын (водзө – оланін да коммунальнөй овмөс система) юөр йөзөдан пөрадок дорө корөмъясө;

к) уна патераа керкаясын вермытөмъяслы жыръясөн вөдитчыны позянлунсө могмөдөм дорө корөмъясө;

л) социальнӧя вӧдитчан медалан керкаясын олан жырьяс сетӧм дорӧ корӧмьясӧ.»;

2) 8 пунктӧ содтыны татшӧм сюрӧса абзац:

«Инспекторлӧн эм ӧтувья образеца служебнӧй эскӧданпас, кутшӧмлысь формасӧ вайӧдӧма тайӧ Положение дорӧ 5 №-а содтӧдын.»;

3) 13-16 пунктьяс гижны тадзи:

«13. Оланін бӧрся дӧзьӧр збыльмӧдигӧн Служба пыртӧ контроль (дӧзьӧр) улӧ веськалӧм объектьясӧ оланпасӧн видзан донаторьяслы лӧктор (ущерб) вӧчан рисклӧн татшӧм категорияяс пиысь ӧтиӧ (водзӧ – риск категорияяс):

ыджыд риск;

шӧр риск;

шӧркодь риск;

ичӧт риск.

Контроль (дӧзьӧр) улӧ веськалӧм объектьяс серти, кутшӧмьясӧс пыртӧма ичӧт риск категорияӧ, контроль (дӧзьӧр) збыльмӧдан планӧвӧй мероприятияясӧ оз нуӧдны.

Контроль (дӧзьӧр) улӧ веськалӧм объектьясӧ пыртӧны урчитӧм риск категорияӧ оланін бӧрся дӧзьӧр збыльмӧдигӧн налысь характеристикаясӧ контроль (дӧзьӧр) улӧ веськалӧм объектьясӧ риск категориясӧ пыртан муртӧсьяскӧд ӧтластитӧм подув вылын (водзӧ – риск серти муртӧсьяс) тайӧ Положение дорӧ 1 №-а содтӧд серти.

14. Контроль (дӧзьӧр) улӧ веськалӧм объектлы сетӧм риск категориякӧд йитӧдын контроль (дӧзьӧр) улӧ веськалӧм объектьяс серти контроль (дӧзьӧр) збыльмӧдан планӧвӧй мероприятияясӧ нуӧдӧны татшӧм тшӧкыдлунӧн:

а) ыджыд риск категория серти контроль (дӧзьӧр) збыльмӧдан татшӧм мероприятияяс пиысь ӧтиӧс:

инспекциялӧн визит - 2 вонас ӧтчыдысь;

документьяс прӧверитӧм - 2 вонас ӧтчыдысь;

ветлӧмӧн прӧверка - 2 вонас ӧтчыдысь;

б) шӧр риск категория серти контроль (дӧзьӧр) збыльмӧдан татшӧм мероприятияяс пиысь ӧтиӧс:

инспекциялӧн визит - 3 вонас ӧтчыдысь;

документьяс прӧверитӧм - 3 вонас ӧтчыдысь;

ветлӧмӧн прӧверка - 3 вонас ӧтчыдысь;

в) шӧркодь риск категория серти контроль (дӧзьӧр) збыльмӧдан татшӧм мероприятияяс пиысь ӧтиӧс:

документьяс прӧверитӧм - 3 вонас ӧтчыдысь;

ветлӧмӧн прӧверка - 3 вонас ӧтчыдысь.

15. Контроль (дӧзьӧр) улӧ веськалӧм объектьясӧ риск категориясӧ пыртӧны Службаӧн юрнуӧдысьлӧн (юрнуӧдысьӧс медводдза вежысьлӧн) помшуӧм серти.

Сэк, кор Служба эз пырт контроль (дӧзьӧр) улӧ веськалӧм объектсӧ урчитӧм риск категорияӧ, сийӧ лыддысьӧ ичӧт риск категорияӧ

пытёмаён. Сэк, кор контроль (дөзьөр) улө веськалом объектсө риск категорияс пиысь өтиө пыртөм йылысь помшүөмсө видлалөны выль пөв, риск категория вежөм йылысь помшүөмсө примитө Службаөн юрнуөдысь (юрнуөдысьөс медводдза вежысь).

Службалы контроль (дөзьөр) улө веськалом объектлөн мукөд риск категориялөн риск серти муртөсьяслы лөсялом йылысь либө риск серти муртөсьяс вежөм йылысь төдмөгьяс воан лунсянь вит уджалан лун чөжөн колө примитны контроль (дөзьөр) улө веськалом индөм объектлысь риск категория вежөм йылысь помшүөм.

Контроль улө веськалом морт вермө сетны Службаө сыөн збыльмөдан уджлысь риск категория вежөм йылысь заявление сэк, кор сийө лөсялө мукөд риск категорияө пыртөм вылө риск серти муртөсьяслы.

Оланін бөрся дөзьөр контроль улө веськалом йөзкөд йитчытөг збыльмөдигөн мероприятияессө нуөдөны квайт төлысьнас өтчыдысь оз гежөдджыка.

16. Оланін бөрся дөзьөр збыльмөдигөн быть колана корөмьяс торкалан риск серти индикаторьяссө урчитөны Службалөн тшөктөдөн.»;

4) 19 пунктө содтыны татшөм сюрөса абзац:

«Службалы Россия Федерацияса оланпастэчасөн урчитөм кадколастьясө колө йөзөдны 248-ФЗ №-а Федеральнөй оланпаслөн 46 статьяса 3 юкөнөн урчитөм төдмөгьяссө «Өтуввез» везйын аслас официальной сайтын да кутны найөс өния кадлы лөсяланаөн.»;

5) 20-22 пунктьяс гижны тадзи:

«20. Служба могмөдө оланін бөрся дөзьөр збыльмөдөм серти инөдөн вөдитчан практика быд во өтвывтөмсө.

Службаса чина йөз быд во өтвывтөны инөдөн вөдитчан практикасө нуөдөм контроль (дөзьөр) збыльмөдан мероприятияяс да налөн бөртасьяс йылысь мыччөдьяссө чукөртөмөн да анализируютөмөн, а сідзжө Службаө воөм шыөдчөмьяссө анализируютөмөн.

Служба быд во инөдөн вөдитчан практика өтвывтан кывкөртөдьяс серти могмөдө доклад бала дасьтөмсө, кытчө пыртөны Службалысь инөдөн вөдитчан практика өтвывтан бөртасьяссө (водзө – инөдөн вөдитчан практика йылысь доклад).

Служба могмөдө инөдөн вөдитчан практика йылысь доклад бала йөзкөд өтув видлалөмсө отчетнөй во бөрын мунысь волөн рака төлысь 1 лунысь оз сөрджык кадколастө. Доклад баласө колө йөзөдны «Өтуввез» везйын Службалөн официальной сайтын йөзкөд өтув видлалөмьяс нуөдан кадпасөдз 14 уджалан лунысь водзвыв.

Инөдөн вөдитчан практика йылысь докладсө вынсьөдөны Службаөн юрнуөдысьлөн тшөктөдөн отчетнөй во бөрын мунысь волөн рака төлысь 10 лунөдз да йөзөдөны «Өтуввез» везйын Службалөн официальной сайтын отчетнөй во бөрын мунысь волөн рака төлысь 15 лунөдз.

Службалы колө ыстыны инөдөн вөдитчан практика йылысь докладсө федеральной олөмө пөртысь власьт органө, коді збыльмөдө оланін да коммунальной овмөс юкөнын канму политика лөсьөдөм да олөмө пөртөм

да нормативнӧй-инӧд боксянь ладмӧдӧм серти уджсӧ, «Ӧтуввез» везйын Службалӧн официальной сайтын сийӧс йӧзӧдан лунсянь 2 уджалан лун чӧжӧн.

21. Сэк, кор Службалӧн эмӧсь быть колана корӧмьяс торкавны дасьтысьӧм либӧ быть колана корӧмьяс торкалан признакьяс йылысь тӧдмӧгьяс, да (либӧ) сэк, кор абуӧсь эскӧдӧм мыччӧдьяс сы йылысь, мый быть колана корӧмьяссӧ торкалӧмыс вӧчис лӅктор (ущерб) оланпасӧн видзан донаторьяслы либӧ артмӧдис оланпасӧн видзан донаторьяслы лӅктор (ущерб) вӧчан грӧз, Служба юӧртӧ контроль улӧ веськалӧм мортлы быть колана корӧмьяс торкавны позьтӧмлун йылысь ӧлӧдантор йылысь да вӧзйӧ контроль улӧ веськалӧм мортлы примитны быть колана корӧмьяссӧ кутчысьӧмсӧ могмӧдан мераяс.

Быть колана корӧмьяс торкавны позьтӧмлун йылысь ӧлӧданторйӧ колӧ пыртны лӧсялана быть колана корӧмьяс, найӧс урчитан нормативнӧй инӧда акт вылӧ индӧмьяс, а сӧдзжӧ юӧр сы йылысь, контроль улӧ веськалӧм мортлӧн буретш кутшӧм вӧчӧмторьяс (вӧчтӧмтор) вермӧны вайӧдны либӧ вайӧдӧны тайӧ корӧмьяссӧ торкалӧмӧдз, а сӧдзжӧ тайӧ корӧмьяссӧ кутчысьӧмсӧ могмӧдан мераяс примитӧм йылысь вӧзйӧм да сэтчӧ оз вермы пырны контроль улӧ веськалӧм мортӧн тӧдмӧгьяс да документьяс сетны корӧм.

Контроль улӧ веськалӧм морт быть колана корӧмьяс торкавны позьтӧмлун йылысь ӧлӧдантор босьтӧм бӧрын 15 уджалан лунысь оз сӅрдзык вермӧ сетны Службаӧ индӧм ӧлӧдантор серти паныд кыв (водзӧ – паныд кыв).

Паныд кывйын индӧны юридическӧй кывкутысьлысь нимсӧ, торья мортлысь овсӧ, нимсӧ, вичсӧ (эм кӧ), асшӧр уджалысьлысь овсӧ, нимсӧ, вичсӧ (эм кӧ), вот мынтысьлысь – контроль улӧ веськалӧм мортлысь пассӧ, контроль улӧ веськалӧм мортлы ыстӧм ӧлӧданторлысь кадпассӧ да номерсӧ, контроль улӧ веськалӧм мортлысь ӧлӧданторйын индӧм сылӧн вӧчӧмторьяс (вӧчтӧмтор) серти, кутшӧмьяс вайӧдӧны либӧ вермӧны вайӧдны быть колана корӧмьяс торкалӧмӧдз, видзӧдлас подулалӧмсӧ.

Паныд кыв видлалан бӧртасьяс серти Службаӧн юрнуӧдысь (юрнуӧдысьӧс медводдза вежысь) паныд кыв босьтан лунсянь 20 уджалан лун чӧжӧн примитӧ татшӧм помшуӧмьяс пиысь ӧтиӧс:

- а) могмӧдӧ паныд кывсӧ юӧртӧм ӧлӧданторсӧ дугӧдӧмӧн;
- б) ӧткажитӧ паныд кывсӧ могмӧдӧмын.

Сэк, кор паныд кывсӧ могмӧдӧма сийӧс видлалан кывкӧртӧдьяс серти, тайӧ ӧлӧданторьясӧн оз вӧдитчыны мукӧд профилактика мероприятие да контроль (дӧзьӧр) збыльмӧдан мероприятие нуӧдӧм могысь.

Паныд кыв видлалан бӧртасьяс йылысь подулалӧм вочакывсӧ Служба ыстӧ паныд кыв сетысь контроль улӧ веськалӧм мортлы помшуӧм примитан лунӧ гижӧмӧн да контроль улӧ веськалӧм мортлӧн кӧсйӧм серти электроннӧй формаын.

Быть колана корёмьяс торкавны позьтөмлун йылысь өлөдantorьяс серти учётсө нуөдоны быть колана корёмьяс торкавны позьтөмлун йылысь сетөм өлөдantorьяс серти учёт нуөдан журнал нуөдомөн.

22. Инспекторьяс контроль улө веськалом йөзлөн да найөс петкөдлысьяслөн шыөдчөмьяс серти консультируйтөны (сетөны гөгөрвоөдомьяс оланін бөрся дөзьөр котыртөмкөд да збыльмөдөмкөд йитчөм, профилактика мероприятиеяс нуөдан пöрадок, оланін бөрся дөзьөр улө веськалантор серти юалөмьяс серти). Консультируйтөны дон босьттөг.

Консультацияссө сетөны юрнуөдысьяслы, мукөд чина йөзлы, контроль улө веськалом йөзлөн уполномочитөм петкөдлысьяслы устнөя либө гижөмөн.

Оланін бөрся дөзьөр улө веськалантор серти юалөм серти гижөмөн консультируйтөны сэк, кор лөсялана шыөдчөмыс воис гижөмөн.

Консультацияссө сетөны юрнуөдысьяслы, мукөд чина йөзлы, контроль улө веськалом йөзлөн уполномочитөм петкөдлысьяслы телефон пыр, видео-конференц-связь отсөгөн, ас кежысь шыөдчигөн либө профилактика мероприятие либө контроль (дөзьөр) збыльмөдан мероприятие нуөдигөн.

Службаөн юрнуөдысь урчитө ас кежысь шыөдчигөн консультируитан кадсө да колө, медым сийө вөлі уджалан вежоннас нель часысь эз этшаджык, сийөс йөзөдоны Службалөн стенд вылын гражданылы восьса местаын, «Öтуввез» везйын Службалөн официальной сайтын.

Контроль улө веськалом йөзлы, кодьяс көсийөны босьтны оланін бөрся дөзьөр котыртөмкөд да збыльмөдөмкөд йитчөм, профилактика мероприятиеяс нуөдан пöрадок, оланін бөрся дөзьөр улө веськалантор серти юалөмьяс серти консультацияссө, сетөны инөд босьтны сийөс өчередь серти.

Гражданылөн ас кежысь шыөдчигөн өчередын виччысян кадыс оз вермы лоны 15 минутысь дырджык.

Консультациялысь сюрөссө пыртөны консультациялөн учётной карточкаө, кутшөмлысь формасө вынсьөдө Служба.

Консультацияслөн карточкаяслысь учётсө нуөдө Служба консультацияслөн карточкаяслысь журнал нуөдомөн, кутшөмлысь формасө вынсьөдө Служба.

Консультируитан кывкөртөдьяс серти юөрсө контроль улө веськалом йөзлы да найөс петкөдлысьяслы гижөмөн оз сетны. Контроль улө веськалом морт вермө ыстыны гижөм вочакыв сетөм йылысь запрос «Россия Федерацияса гражданылысь шыөдчөмьяс видлалан пöрадок йылысь» Федеральной оланпасөн урчитөм кадколастьясө.

Консультируйтөм дырйи инспекторлы быть колө кутчысьны юөрлөн гусялунө, кутшөмөн вөдитчыны позянлунсө дзескөдома Россия Федерацияса оланпастэчас серти.

Консультируйтөм дырйи оз вермыны сетны юөр, кытчө пырө контроль (дөзьөр) збыльмөдан стөч мероприятие, инспекторьяслысь,

контроль (дөзъөр) збыльмөдан мероприятиен мукөд участвуйтысьлысь помшумьяс да (либө) вөчөмторьяс донъялөмыс, а сідзжө контроль (дөзъөр) збыльмөдан мероприятие серти нуөдөм экспертизалөн, испытаниеяслөн бөртасьяс.

Сэк, кор контроль улө веськалом йөзсянь да (либө) найөс петкөдлысьясянь воө 5 да унджык шыөдчөм, кытчө пырөны өткодь юалөмьяс, татшөм юалөмьяс серти консультируйтөны «Өтуввез» везйын Службалөн официальной сайтын канму, коммерческой, служебной да оланпасөн видзан мукөд гусятөр йылысь Россия Федерацияса оланпастэчаслысь корөмьяс төд вылө босьтөмөн гижөм гөгөрвоөдөм йөзөдөмөн, кутшөмөс кырымалөма Службаөн юрнуөдысь (юрнуөдысьөс медводдза вежысь).»;

6) 23 пунктса нельөд - квайтөд абзацьяс гижны тадзи:

«Профилактика визитьяссө быть колө нуөдны контроль (дөзъөр) улө веськалом объектьяс серти, кутшөмьясөс пыртөма ыджыд риск категорияө, а сідзжө контроль улө веськалом йөз серти, кодьяс заводитөны уджавны уна патераа керкаясөн веськөдлөм серти.

Быть колана профилактика визитьяссө контроль (дөзъөр) улө веськалом объектьяс серти, кутшөмьясөс пыртөма ыджыд риск категорияө, нуөдөны контроль (дөзъөр) збыльмөдан планөвөй мероприятие нуөдан во водзын мунысь воын.

Службалы быть колө вөзйыны нуөдны профилактика визитсө контроль улө веськалом йөзлы, кодьяс заводитөны збыльмөдны ассыныс уджсө, татшөм удж заводитөмянь өти во чөжысь оз сёрджык.»;

7) 24 пунктса коймөд абзац киритны;

8) 25 пунктө содтыны татшөм сюрөса абзацьяс:

«Гражданинлөн вөчөмторьяс (вөчтөмтор) серти оланін бөрся дөзъөр збыльмөдигөн тайө Положениелөн 24 пункттын индөм контроль (дөзъөр) збыльмөдан планөвөй мероприятиеяссө оз нуөдны.

Оланін бөрся дөзъөр збыльмөдигөн контроль (дөзъөр) збыльмөдан планысь өтдор мероприятиеяссө нуөдөны 248-ФЗ №-а Федеральной оланпасын 57 статьялөн 1 юкөнса 1, 3-5 пунктьясөн да 66 статьялөн 12 юкөнөн урчитөм подувьяс серти.»;

9) 27 пункттын:

а) өкмысөд – дас өтикөд абзацьяс гижны тадзи:

«Оланпасөн видзан донаторьяслы лөктор (ущерб) вөчөм йылысь либө лөктор (ущерб) вөчан грөз йылысь төдмөгьяслысь збыльлунсө эскөдигөн либө контроль улө веськалом мортлысь уджалан параметрьяссө урчитигөн, кутшөмьяслы лөсялөмыс либө кутшөмьясысь кежөмыс быть колана корөмьяс торкалан риск индикаторьяс серти, кутшөмьясөс вынсьөдөма Службалөн тшөктөдөн, лоө контроль (дөзъөр) збыльмөдан мероприятие нуөдан подулөн, оланпасөн видзан донаторьяслы лөктор (ущерб) вөчөм йылысь либө лөктор (ущерб) вөчан грөз йылысь төдмөгьяс видлалан кывкөртөдьяс серти Службаса чина морт ыстө Службаөн



юрнуодысылы (юрнуодысьёс медводдза вежысылы) контроль (дөзьөр) збыльмөдан мероприятияс нуодом йылысь подулалом представление.

Сэк, кор оланпасон видзан донаторьяслы лектор (ущерб) вочом йылысь либо лектор (ущерб) вочан грöz йылысь төдмөгьяслысь збыльлунсө эскөдомыс абу, а сіджө сэк, кор абу позянлуныс урчитны контроль улө веськалом мортлысь уджалан параметрьяссө, кутшөмьяслы лөсялөмыс либо кутшөмьясысь кежөмыс быть колана корөмьяс торкалан риск индикаторьяс серти, кутшөмьясөс вынсьөдома Службалон тшөктөдөн, лоө контроль (дөзьөр) збыльмөдан мероприятие нуодан подулөн, оланпасон видзан донаторьяслы лектор (ущерб) вочом йылысь либо лектор (ущерб) вочан грöz йылысь төдмөгьяс видлалан кывкөртөдьяс серти инспектор ыстө инспекцияса начальниклы (Службалон тэчас юкөдувса начальниклы) быть колана корөмьяс торкавны позьтөмлун йылысь өлөдантор ыстөм йылысь подулалом представление, а сэк, кор абу позянлун эскөдны гражданинөс, организацияөс петкөдлысьлысь уджмогьяссө, эрдөдома оланпасон видзан донаторьяслы лектор (ущерб) вочом йылысь либо лектор (ущерб) вочан грöz йылысь төдмөгьяслөн збыльлунлы лөсявтөмлунсө, – контроль (дөзьөр) збыльмөдан мероприятие нуодом вылө поду абутомлун йылысь подулалом представление.

Сэк, кор профилактика мероприятияс нуөдигөн урчитөма, мый контроль (дөзьөр) улө веськалом объектьяс лооны оланпасон видзан донаторьяслы лектор (ущерб) вочан тыдалана веськыд грөзөн либо татшөм лекторсө (ущербсө) вөчөма нин, Службаса чина морт дзик пыр ыстө та йылысь юөрсө Службаөн юрнуодысылы (юрнуодысьёс медводдза вежысылы) контроль (дөзьөр) збыльмөдан мероприятияс нуодом йылысь помшүөм примитөм могысь.»;

б) дас кыкөд да дас коймөд абзацьяс киритны;

10) 28 пунктса медводдза абзац гижны тадзи:

«28. Инспекциялысь визитсө нуөдоны контроль улө веськалом мортлөн (сылөн филиальяслөн, представительстваяслөн, торья тэчас юкөдувьяслөн) меститчанін (уджаланін) серти контроль улө веськалом стөч морткөд да (либө) производство объект кутыськөд (сылөн вөдитчыськөд) өтүв уджалөмөн.»;

11) 29 пункт киритны;

12) 31 пунктө содтыны татшөм сюрөса дас кыкөд абзац:

«Ветлөмөн прөверкасө нуөдоны контроль улө веськалом мортлөн (сылөн филиальяслөн, представительстваяслөн, торья тэчас юкөдувьяслөн) меститчанін (уджаланін) серти.»;

13) 39 пункт гижны тадзи:

«39. Асшөр уджалысь, гражданин, кодьяс лооны контроль улө веськалом йөзөн, вермөны сетны Службаө контроль (дөзьөр) збыльмөдан мероприятие нуөдигөн лоны позьтөмлун йылысь юөр.

Сетөм юөр видлалан бөртасьяс серти Служба примитө контроль (дөзьөр) збыльмөдан мероприятие нуөдөмсө вуджөдөм йылысь помшүөм кадколаст вылө, мыйта колө лоөмторьяс бырөдөм вылө, кутшөмьяс

лоисны ашөр уджалысьён, гражданинён контроль (дөзьөр) збыльмөдан мероприятие нуөдигөн лоны позьтөмлун йылысь юөр сетан помкаён.»;

14) содтыны татшөм сюрөса 39<sup>1</sup> пункт:

«39<sup>1</sup>. Ветлөмөн прөверка либө инспекциялысь визит нуөдигөн инспекторьяс быть колана корөмьяссө торкалөмьяс серти эскөданторьяс пасйөм могысь вермөны вөдитчыны фотосьёмкаён, аудио- да видеозаписьён, эскөданторьяс мукөд пасьянногөн.

Технической средствоясён, сы лыдын электронвыв арталан машинаясён да юөр электроннөя видзанинъясён, копируйтан аппаратьясён, сканерьясён, телефоньясён (сы лыдын сотөвөй йитөдөн), аудио- да видеозапись средствоясён, фотоаппаратьясён, вөдитчыны коланлун йылысь помшүөмсө, кутшөмьяс колөны контроль (дөзьөр) збыльмөдан мероприятие, контроль (дөзьөр) збыльмөдан мероприятияс нуөдигөн фотосьёмка, аудио- и видеозапись нуөдөм могысь, инспектор примитө ачыс. Быть колана корөмьяссө торкалөмьяс серти эскөданторьяс пасйөм могысь вермөны вөдитчыны фотосьёмка, аудио- да видеозапись вөчан көть кутшөм технической средствоясён, кутшөмьяс эмось. Фотосьёмка, аудио- да видеозапись вөчөм йылысь да тайө могьяс вылө вөдитчөм технической средствояс йылысь юөрсө гижөны контроль (дөзьөр) збыльмөдан мероприятиелөн актын (водзө – акт).

Фотосьёмка отсөгөн быть колана корөмьяс серти торкалөмьяссө пасйөны быть колана корөмьяс серти эрдөдөм быд торкалөмсө 2-ысь абу этшаджык снимайтөмөн. Аудио- да видеозаписьсө вөчөны контроль (дөзьөр) збыльмөдан мероприятие нуөдигөн дугдывтөг запись заводитигөн да помалигөн кадпас, места, запись вөчны заводитан да помалан кад йылысь юөртөмөн. Запись дырйи подробнөя пасйөны да индөны быть колана корөмьяс серти эрдөдөм торкалөмлысь местасө да характерсө.

Фотосьёмка, аудио- да видеозапись вөчан бөртасьясыс лооны акт дорө содтөдөн.

Быть колана корөмьяссө торкалөмьяс серти эскөданторьяс пасйөм могысь фотосьёмкаён, аудио- да видеозаписьён вөдитчөны канму, коммерческой, служебной либө оланпасён видзан мукөд гусятор видзөм йылысь Россия Федерацияса оланпастэчаслысь корөмьяссө төд вылө босьтөмөн.»;

15) 41 пунктын:

а) содтыны татшөм сюрөса выль коймөд - витөд абзацяс:

«Быть колана корөмьясө кутчысьөм бөрся видзөдигөн Служба:

а) прөверитө воём документьяслысь да төдмөгьяслысь ас кадө сетөмсө, тырвыйөлунсө да збыльлунсө Россия Федерацияса оланпастэчасён урчитөм пөрадокын;

б) туялө оланін да коммунальной овмөс системаын йөзөдөм контроль улө веськалөм йөзлөн удж йылысь юөрсө.»;

16) содтыны татшөм сюрөса 43<sup>1</sup> пункт:

43<sup>1</sup>. Контроль (дөзьөр) збыльмөдан мероприятиелысь бөртасьяссө оформитөны 248-ФЗ №-а Федеральной оланпаслөн 87 статья серти.»;

17) 47 пунктун:

мөд абзацын «инспекцияөн юрнуөдысь (юрнуөдысьөс медводдза вежысь)» кывъяс вежны «инспекцияса начальник (начальникөс вежысь)» кывъясөн;

коймөд абзацын «Инспекцияөн юрнуөдысьлөн (юрнуөдысьөс медводдза вежысьлөн)» кывъяс вежны «Инспекцияса начальниклөн (начальникөс вежысьлөн)» кывъясөн;

18) Положение дорө 1 №-а содтөдсө гижны тайө вежсьөмъяс дорө 1 №-а содтөд серти;

19) 2 №-а содтөд киритны;

20) Положение дорө 3 №-а содтөдсө гижны тайө вежсьөмъяс дорө 2 №-а содтөд серти;

21) содтыны 5 №-а содтөд тайө вежсьөмъяс дорө 3 №-а содтөд серти.

«Коми Республика мутасын оланін бөрся  
дінмуын канму контроль (дөзьөр) йылысь  
положение вынсьөдөм йылысь»  
Коми Республикаса Веськөдлан котырлөн  
2021 во көч төлысь 28 лунся 463 №-а шуөмө  
пыртөм вежсьөмьяс дорө  
1 №-а СОДТӨД

«Коми Республика мутасын оланін бөрся  
дінмуын канму контроль (дөзьөр) йылысь положение дорө  
1 №-а СОДТӨД

Коми Республика мутасын оланін бөрся  
дінмуын канму контроль (дөзьөр) збыльмөдігөн  
лөктор (ущерб) вөчан риск категориясө  
контроль (дөзьөр) улө веськалөм объектъяс пыртан  
**МУРТӨСЪЯС**

Юридическөй кывкутысьясөн да ашөр уджалысьясөн (водзө – контроль улө веськалөм йөз) быть колана корөмьясө кутчысьтөмлун вөсна лоны вермана лөкторьяслөн сьөкылдун да ыжда серти, кутшөмьясөс урчитөма Россия Федерацияса оланін оланпастэчасөн, оланін фонд серти энергия видзтөм йылысь да энергетическөй окталун кыпөдөм йылысь Россия Федерацияса оланпастэчасөн, муниципальнөй оланін фонд кындзи, контроль улө веськалөм йөзлысь уджсө, мый серти колө збыльмөдны оланін бөрся дінмуын канму контроль (дөзьөр), (водзө – оланін бөрся дөзьөр), юклөны сьөкылдун серти «А» либө «Б» группа вылө (водзө – сьөкылдун серти группаяс).

Сьөкылдун серти «А» группаө пырө уна патераа керкаясөн веськөдлөм, уна патераа керкаясын өтувья эмбур кутөм да дзоньталөм серти услугаяс сетөм да (либө) уджьяс вөчөм серти юридическөй кывкутысьяслөн да ашөр уджалысьяслөн удж уна патераа керкаяс серти, кутшөмьясөс оборудуйтөма лифтъясөн да (либө) биаруөн могмөдан өтувья системаөн, сы лыдын уна патераа керкаяс серти, көні пөсь ваөн могмөдан да (либө) шоньдөн могмөдан услугаяс вөчөм могысь вөдитчөны биаруөн.

Мукөд случайын контроль улө веськалөм йөзлысь уджсө пыртөны сьөкылдун серти «Б» группаө.

Контроль улө веськалөм йөзөн быть колана корөмьясө вермана кутчысьтөмлун доньялөмсө төд вылө босьтөмөн, кутшөмьясөс индөма тайө содтөдлөн медводдза абзацын, оланін бөрся дөзьөр улө веськалөм уджсө торйөдөны лоны верманлун серти «1» либө «2» группа вылө (водзө – лоны верманлун серти группаяс).

Лоны верманлун серти «1» группаө пырө контроль улө веськалөм йөзлөн удж сэк, кор эм административнөй инөд торкалөмысь, кутшөмс урчитөма Административнөй инөд торкалөмьяс йылысь Россия

Федерацияса кодекслөн 7.21-7.23 статьясөн, 7.23.2 статьяса 1 юкөнөн, 7.23.3, 9.5.1 статьясөн, 9.13 статьяён (оланін фондса объектясөн вермытөмьяслы вөдитчыны позянлунсө могмөдөм дорө корөмьяс оломө пөртөмысь өтдортчан юкөнын), 9.16 статьяса 4, 5 юкөньясөн да 12 юкөнөн (уна патераа керкаясын, олан керкаясын вөдитчан энергия ресурсьяс серти учёт нуөдан өтласа (өтувья керкаса), ашөр да өтувья (коммунальнөй патераяслы) приборьяс юкөнын), 9.23 статьяса 1-4 юкөньясөн, 13.19.2 статьяса 1 юкөнөн (административнөй инөд торкаломьяс кындзи, кутшөмьясөс вөчөма оланін стрөитан кооперативьясөн, кодьяс стрөитөны уна патераа керкаяс), юридическөй кывкутысьлы, сылөн чина йөзлы либө ашөр уджалысьлы административнөя мыждөмсө индөм йылысь шуөм, мый оланпас серти вынсялома юридическөй кывкутысьлысь либө ашөр уджалысьлысь уджсө оланпасөн видзан донаторьяслы лектор (ущерб) вөчан риск категорияө пыртөм йылысь помшуөм примитан кадпас вылө бөрья 3 во чөжөн.

Лоны верманлун серти «2» группаө пырө контроль улө веськалом йөзлөн удж, кодьяслөн бөрья 3 во чөжөн контроль (дөзьөр) збыльмөдан планөвөй либө планысь өтдор мероприятие нуөдигөн эз эрдөдны быть колана корөмьяс серти торкаломьясө, кутшөмьясөс индөма тайө содтөдлөн медводдза абзацын.

Контроль улө веськалом йөзлысь уджсө риск серти урчитөм категорияө пыртигөн колө подуласьны сьөкыдлун серти группа да лоны верманлун серти группа вылө.

Риск категория	Сьөкыдлун серти группа	Лоны верманлун серти группа
Ыджыд	А	1
Шөр	А	2
Шөркодь	Б	1
Ичөт	Б	2

».

«Коми Республика мутасын оланін бөрся дінмуын канму контроль (дөзьөр) йылысь положение вынсьөдөм йылысь»  
 Коми Республикаса Веськөдлан котырлөн 2021 во кöч тöлысь 28 лунся 463 №-а шуөмö пыртöм вежсьöмъяс дорö 2 №-а СОДТÖД

«Коми Республика мутасын оланін бөрся дінмуын канму контроль (дөзьөр) йылысь положение дорö 3 №-а СОДТÖД

Коми Республика мутасын оланін бөрся дінмуын канму контроль (дөзьөр) серти  
**МЕДШÖР ПЕТКÖДЛАСЪЯС**

Медшөр петкөдласлөн ним	Вояс да медшөр петкөдласъяслөн торъя мога (прогнознöй) значенияс					
	2017 (подув значение)	2021	2022	2023	2024	2025
Йöз лыд, кодъяс пöгибнитисны да (либö) доймалисны уна патераа керкаясөн абу колана ногөн веськөдлөм вöсна, юридическöй кывкутысьясөн, асшөр уджалысьясөн, кодъяс уджалöны лицензия подув вылын, уна патераа керкаясөн абу колана ногөн веськөдлан случайяс кындзи	0	0	0	0	0	0
Йöз лыд, кодъяслөн дзоньвидзалунлы вöчöма лектор коммунальнöй услугаяс абу колана ногөн сетöм вöсна	0	0	0	0	0	0

».

«Коми Республика мутасын оланін бөрся дінмуын канму контроль (дөзьөр) йылысь положение вынсьөдөм йылысь»  
Коми Республикаса Веськөдлан котырлөн  
2021 во коч төлысь 28 лунся 463 №-а шуомö  
пытөм вежсьөмьяс дорö  
3 №-а СОДТÖД

«Коми Республика мутасын оланін бөрся дінмуын канму контроль (дөзьөр) йылысь положение дорö  
5 №-а СОДТÖД

## Öтувья образца служебной эскöданпаслөн форма

### Эскöданпас банладорлөн образец

	<b>Герб Республики Коми</b>  <b>УДОСТОВЕРЕНИЕ*</b>
--	--

(эскöданпас обложкалөн рөм – пемыдгөрд, Коми Республикаса канму канпас оттисклөн рөм да Служба ним – зарни).

\*«Удостоверение» кыв пыдди позьö гижны «Республика Коми» кывтэчас.

### Эскöданпас пытшкөсладорлөн образец

<b>Служба Республики Коми строительного, жилищного и технического надзора (контроля) Коми Республикаса стрöбитчан, оланін да технической дөзьөр (контроль) служба</b>	<b>УДОСТОВЕРЕНИЕ № _____ ЭСКÖДАНПАС</b>
место для фото	<b>Фамилия Имя Отчество</b>
Дата выдачи « ____ » _____ 20__ г.	наименование должности в именительном падеже
	Руководитель      подпись      Инициалы и фамилия

».